



IBYEREKEYE GUKEMURA IMPAKA

Ibyerekeye kujuririra Komiseri Mukuru

Umusoreshwa utanyuzwe n'ibikubiye mu nyandiko igena umusoro ashobora kujuririra Komiseri Mukuru mu gihe kitarenze iminsi mirongo itatu (30) nyuma y'uko ashyikirijwe iyo nyandiko.

1. Imiterere y'ubujurire

Ubujurire bugomba kuba bwujuje ibi bikurikira:

- 1° Kuba bwanditse
- 2° Kugaragaza umusoreshwa na numero imuranga;
- 3° Kugaragaza igihe cy'umusoro;
- 4° Kugaragaza umusoro asoreshwa, impamvu zawo n'igiteye ubujurire;
- 5° Kuba bwashyizwehukumukono n'umusororeshwa, cyangwa umuhagarariye wemewe n'amategeko cyangwa uwo yabihereye Uburenganzira ufite icyemezo cyo kumuhagararira;
- 6° Kugaragaza ibimenyetso byose n'ingingo z'amategeko bigaragaza ko isoresha ritakozwe neza.

Ubujurire ntibuhagarika iyishyurwa ry'umusoro, inyungu z'ubukererwe n'ibihano. Bisabwe n'umusororeshwa mu nyandiko, Komiseri Mukuru ashobora guhagarika by'agateganyo iyishyuzwa ry'imisoro itumvikanyweho mu gihe cy'ubujurire.

2. Gufata icyemezo ku bujurire

- ✓ Komiseri Mukuru afata icyemezo ku bujurire mu gihe cy'iminsi mirongo itatu (30) akakigeza ku musororeshwa.
- ✓ Komiseri Mukuru cyangwa undi mukozi wese w'ubuyobozi bw'imisoro ubifitiye ububasha washyizweho na Komiseri Mukuru ashobora kongera indi minsi mirongo itatu (30) kuri iki gihe inshuro imwe gusa akabimenyesha umusoreshwa. Iyo Komiseri Mukuru nta cyemezo afashe muri iyo minsi, ubujurire bufatwa nk'aho bufite ishingiro.
- ✓ Iyo ubujurire bwemewe bwose cyangwa se igice cyabwo, Komiseri Mukuru akuriraho umusoreshwa umusoro ujyanye na bwo, inyungu z'ubukererwe n'ibihano.
- ✓ Komiseri Mukuru amenyesha umusoreshwa icyemezo cye mu nyandiko. Umusoreshwa utishimiye icyemezo cya Komiseri Mukuru ashobora kumusaba ko ikibazo cye gikemuka mu bwumvikane.



- ✓ Iyo impande zombi zitabashije gukemura icyo kibazo mu bwumvikane, umusoreshwa ashobora kujuririra urukiko rubifitiye ububasha.
- ✓ Komiseri Mukuru agena uburyo bwo gukemura mu bwumvikane ibibazo bijyanye n'imisoro”.

Igenzura rishya rishingiye ku bimenyetso byagaragaye mu isuzumwa ry'ubujurire

Mu isuzumwa ry'ubujurire, Komiseri Mukuru afata icyemezo kuri ubwo bujurire akanasaba ko hakorwa irindi genzura rishya icyo:

- 1° Hari amakosa yakozwe n'umusoreshwa atagaragaye mu igenzura yatumye umusoro wakagombye kwishyurwa ugabanyuka;
- 2° Harakoreshejwe ibihano bitari byo mu gihe cy'igenzura;
- 3° Umusoreshwa atanze ibindi bimenyetso cyangwa ibisobanuro cyangwa Ubuyobozi bw'imisoro bukavana ahandi ibindi bimenyetso bigaragaza ko umusoro waciwe mu buryo butuzuye.

3. Ibyerekeye kwiyambaza ubucamanza

Kuregera urukiko

Umusoreshwa utanyuzwe n'icyemezo cya Komiseri Mukuru ashobora kuregera inkiko. Ikirego cye agishyikiriza urukiko rubifitiye ububasha mu gihe kitarenze iminsi mirongo itatu (30) uhereye icyo gihe yagejweho icyemezo cya Komiseri Mukuru.

4. Ibyerekeye inyungu zishyurwa n'Ibiro by'Imisoro

Iyo umusoreshwa akuriweho umusoro, inyungu z'ubukererwe n'ibihano n'icyemezo cy'ubutegetsu cyangwa cy'urukiko cyangwa se icyo adashubijwe, mu gihe giteganywa n'amategeko, imisoro y'ikirenga yishyuye, Ubuyobozi bw'Imisoro bugomba kwishyura inyungu ku mafaranga umusoreshwa agomba gusubizwa.

Inyungu ibarwa hakurikijwe igipimo cy'inyungu y'amabanki gishyirwaho na Banki Nkuru y'Igihugu kandi ishishyirwaho uwo mwaka w'isoresha bahereye ku itariki ya mbere Mutarama muri uwo mwaka.

Inyungu ibarwa umunsi ku wundi nta gukomatanya uhereye ku munsi yishyuriye kugeza ku munsi wo gusubizwa amafaranga na wo ubariwemo.

Mutarama, 2019